



Monsieur mon Cousin,

Ayant entrepris desia de vous recommander en personne le fils aisné de feu Mons.
de Nereé, je prend la hardiesse de vous en rafraichir la memoire par la presente
laquelle vous sera rendue par luy mesme lors que quelque occasion se presentera au
bien de son advancement, auquel non seulement la capacité & suffisance de sa
personne pour la charge qu'il recereche, mais aussi les merites de ses Aneestres
meritent de luy faciliter le chemin, son Ayeul, Herman Wijnhof, ayant esté
Secretaire d'Etat en ces Provinces, et en apres Conseiller au Conseil de la
Province d'Utrecht, et son Disayeul, Gerard Bisse, Syndique de la Ville de
Delft, desquelles charges ils se sont acquittés avecq beaucoup d'honneur et de
reputation, Ce qui me fait esperer que vous n'aurez jamais subiect de vous
repentir de la faveur qu'il vous plaira luy departir à ma recommandation,
ny moy de vous en demeurer redevable, comme de tant d'autres courtoisies
dont il vous a pleu m'obliger, & mesme de l'honneur que j'ay de me

signer

Monsieur mon Cousin

A Leiden, ce 26^{me} de May
1635

Vostre bien-humble & affectionné
Cousin et serviteur

M. Snouckaert de Schaumburg

Hug. 07.



1817

A Monsieur

Monsieur Huygens Chemist, Sijg. de
Zijlichen, Conciiler & Secretaire desm Excell.
le Prince d'Orange

